

近代中國史料叢刊續編第四十九輯  
沈雲龍主編

# 胡上將宗南年譜

編纂委員會編

文海出版社

有限公司

印行

宗南先生遺像




# 旌忠狀

旌字第 1435 號

茲有陸軍一級上將胡宗南於

月十四日

病故忠貞為國  
此狀永垂式範



總統 蔣中正

陳誠

中華民國五十一年二月十五日

典章官 唐振堯

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面


若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



總統令

總統府致蔣副委員長會戰蔣副委員長  
上將胡宗南的度誠宏志行堅卓卓早歲入黃埔軍  
官學校研習軍事玩物大嫌東征以來不與革命  
戰後臨陣奮勇進退奇功歷任第一軍軍長第十  
七軍團長第三十四集團軍總司令第一戰區副



司令官暨西安綏靖公署  
國十城抗戰勝利後共匪  
上將東承方春蔚進寇  
府播遠年軍後難危倘  
整訓部伍革因海防成收  
問方須甚等期多廠皆迄  
音陸軍一級上將外應子  
令

總統 蔣中正

行政院院長 陳誠

中華民國五十二年三月十二日

典選官 唐振堯

總統令

台警 字第 198 號

故陸軍二級上將胡宗南  
追晉為陸軍一級上將此令

總統 蔣中正

行政院院長 陳誠

國防部長 俞大維

代 行

中華民國

五月 日



蓋印沈開運  
校對姚振發

宮寧常於攝統總 侍隨月九年一十三



官長降受區地州鄭任軍將胡月九年四十三國民  
令降受字簽及禮典降受持主






安延復克軍國日六十月三年六十三國民  
議會事軍持主軍將胡夕前




安延復克軍國日六十月三年六十三國民  
影留洞佛萬下山涼清在視巡安延臨蒞公蔣 統總



胡將軍陪同蔣經國主席在陳大與戰鬥英雄合影



線給補海沿視巡湖澎在袖領 同陪軍將胡，時戰炮門金



談歡友至與軍將胡年八十四國民



胡 將 軍 全 家 福



胡將軍遺墨

辦大事者非精心果力之  
為難，而仁恕存心相忍  
為國之不易也。

胡宗南

# 胡宗南上將年譜序

胡上將宗南弟逝世之十年，其舊屬羅君冷梅等，綜其勳業志行，撰為年譜五卷，屬余為序。余憶自黃埔創校，宗南弟由上海來就學，立志獻身革命。第一次東征，棉湖之役，余率教導第一團與敵苦戰，宗南弟以機槍連排長，掩護本團作戰成功，自是即嶄露頭角，深為領袖所器重。北伐軍興，余率東路軍平定閩浙兩省，宗南弟奉命由贛入浙，側攻滬杭之敵，所至迭建戰功。中原事起，宗南弟率第一師轉戰津浦，隴海兩線，萊油場一役，尤著聲威。其後，共匪竄擾西北，宗南弟率部進駐陝甘，與匪週旋，達四年之久，對綏靖地方，推行行政令，發展教育，改易風氣，頗多貢獻。西安事變，宗南弟以主力監視東北軍，使不敢蠢動，嗣討逆總部成立，乃奉命統一指揮在陝甘中央部隊，迅速東移，鎮壓叛軍，用能維護領袖安全，厥功尤偉。淞滬戰起，宗南弟率部增援，與日寇苦戰亘三閱月，精銳盡殲，友軍或屢進屢退，而所部獨屹然不搖。南



京撤守，宗南弟仍調駐西北，統率關陝諸軍，東禦日寇，北扼共匪，猶時分兵援甘、援晉、援豫、援冀，所向皆捷。洎乎抗戰勝利，共匪作亂，不兩年而中原淪胥，迨政府播遷入川，宗南弟率部拱衛渝蓉，惜時大陸民心渙散，勢不可為，於是率殘破之師，退守西昌，效死勿去，最後始奉命來台。間嘗以「生於憂患，長於艱苦，成於戰鬥，終於道義」四語以自約，而以未得死所為慊；其忠於黨國與領袖，愛護袍澤，推功任過，從不獵取浮譽，乃真能發揮黃埔革命精神，足為一世之楷模。故其臥病逝世之日，領袖頻臨探視弔唁，慰卹有加；舊屬則每年有祭奠之會；同學同袍則樹碑立像，表德紀勳；凡此蓋莫非宗南弟精誠感人，有以致之。其生平志業，雖不待紀述而傳，節有此譜，俾讀者詳其忠義愛國之誠，而能景仰前賢，感奮興起，殆亦今日事之所不容已也。余忝為其師長與長官，歷四十餘年，於宗南弟相知最切，信賴最深，今讀此譜而緬懷往迹，如見堅毅之志，威肅之容，益使余懷念無盡焉！中華民國六十一年一月何應欽序。

## 凡 例

一、本年譜依照胡故上將一生功勳經歷，分為五卷，各為一段落。

二、本年譜事蹟，民三十年以後者，依據胡故上將日記為準；惟日記甚為簡略，類似標題，故仍請參與各事之長官同仁提供資料，關於剿匪事蹟，並採用林為周耿若天兩先生所撰「西北戡亂戰史」，寫成後，且請校核訂正，以昭慎重。

三、胡故上將自民二十七年起開府開中，曾有經營華北東北淪陷區及蒙古新疆之志，其事多祕，所派人員亦未在臺，無從徵詢，惟有付之闕如。

四、本年譜紀年紀時，在民前者稱紀元前幾年，附以清帝年號、甲子及公元，月日已換算用國曆，否則註明為陰曆。

五、本年譜概舉官階姓名為主，一般不用專稱別號。

六、凡胡公部屬在各戰役陣亡殉職者，概於事蹟之後，附以小傳，所以昭忠蓋；若病逝者，僅在文內附註而已。

- 七、本年譜概用淺近文言，加以標點，以便閱讀。
- 八、本年譜另有附錄易檢表以便檢閱。

# 胡故上將年譜目錄

## 卷一

民前十六年至民國十三年

## 卷二

民國十四年至民國二十五年

## 卷三

民國二十六年至民國三十四年

## 卷四

民國三十五年至民國三十九年

## 卷五

民國四十年至民國五十一年

## 胡宗南上將年譜卷一

公姓胡，諱宗南，無字。當明宏治中葉，有胡公諱鈺，字純德者，定居浙江定海縣屬之陳華埔朱家塘樓，公其十五世孫也。清康熙二十三年分定海縣之北部設鎮海縣，故世爲鎮海縣人。曾祖諱仁傑，國學生；祖諱自珣，郡庠生；父諱敷政，字際清，國學生；妣王太夫人，同縣小港人也。際清先生在孝豐縣鶴落溪村經營藥業，公七歲，際清先生挈之來孝，遂占籍爲孝豐人。

紀元前十六年，即清光緒廿二年，丙申，西曆一八九六年，公一歲。

是年舊曆四月初四日即西曆五月十二日王太夫人生公於鎮海縣陳華埔朱家塘樓舊宅。

是年爲

國父孫中山先生創立興中會之第三年，袁世凱小站練兵之次年。九月

國父在倫敦蒙難。

紀元前十五年，即清光緒廿三年，丁酉，西曆一八九七年，公二歲。

公父際清先生於是年春，受族兄漢政之邀，來孝豐鶴落溪村經營藥業，並從漢政習清丈之術，其後遂以此承辦莊書爲業。

按：洪楊之役，戰亂九年，左宗棠收復浙江後，乃招宛鄧襄隨之民來孝墾荒，清丈田畝，各圖設一人掌管地籍，辦理田產買賣之事，謂之莊書，民國後始廢。際清先生以和平公正，被延爲縣府推收主任，執管一縣田產買賣過戶之事，相當於臺灣之地政事務所主任職務。

是年德佔我膠州灣，俄佔旅順。六月國父自英抵加拿大，七月又自加拿大赴日本。

紀元前十四年，即清光緒廿四年，戊戌，西曆一八九八年，公三歲。

是年法佔我廣州灣，英佔威海衛。八月發生戊戌政變，清慈禧太后再度聽政。

紀元前十三年，即清光緒廿五年，己亥，西曆一八九九年，公四歲。

舊曆六月廿九日，公生母王太夫人卒，葬鎮海小山自珣公墓側。

是年英俄訂立協定，互認在華勢力範圍。八月山東義和團亂起。康有爲梁啓超在日

組保皇會。

紀元前十二年，即清光緒廿六年，庚子，西曆一九〇〇年，公五歲。

八國聯軍入京，清帝后奔陝。

國父自日赴港，未得上岸，乃赴西貢。八月鄭士良舉義於惠州三洲田。俄軍連陷黑龍江、吉林、瀋陽。十二月清廷下詔變法。

紀元前十一年，即清光緒廿七年，辛丑，西曆一九〇一年，公六歲。

是年清廷與各國訂辛丑條約，賠款四億五千萬，北京至大沽口沿線許各國駐兵。

紀元前十年，即清光緒廿八年，壬寅，西曆一九〇二年，公七歲。

是年公父際清先生，已定居孝豐縣北鄉鶴落溪村，續娶吳太夫人，乃於十二月回鎮海，挈公來孝。

紀元前九年，即清光緒廿九年癸卯，西曆一九〇三年，公八歲。

公從同村邑庠生諸鳴鑾先生讀。十月公弟仲生。

是年六月

國父自西貢抵日本，八月離日赴檀香山。十二月日俄戰爭開始，清廷宣佈中立。

紀元前八年，即清光緒卅年，甲辰，西曆一九〇四年，公九歲。

公仍就諸鳴鑾先生讀。

是年七月日軍敗俄於遼陽，佔我旅順。

紀元前七年，即清光緒卅一年，乙巳，西曆一九〇五年，公十歲。

上年諸鳴鑾逝世，公就同村邑庠生諸獻莊先生讀。

是年八月清廷廢科舉。日俄戰爭結束，俄陸海軍皆敗，訂樸資摩斯條約，日遂攫我旅大與南滿鐵路。

紀元前六年，即清光緒卅二年，丙午，西曆一九〇六年，公十一歲。

公仍就諸獻莊先生讀。



七月清廷宣佈預備立憲。十月萍鄉、醴陵、瀏陽革命舉事未成。

紀元前五年，即清光緒卅三年丁未，西曆一九〇七年，公十二歲。

公就邑庠生諸懿德先生讀。懿德以公聰穎勤奮，器宇不凡，每期以大成。

是年四月，黃岡、惠州、七女湖，五月安慶，七月欽州，十月鎮南關起義，皆未成。

紀元前四年，即清光緒卅四年戊申，西曆一九〇八年，公十三歲。

公仍就諸懿德先生讀。四月繼妣吳太夫人卒。

是年三月河口起義未成。十月清光緒帝慈禧太后先後卒，溥儀嗣立，明年改元。

紀元前三年，即清宣統元年己酉，西曆一九〇九年，公十四歲。

二月公入孝豐縣城高等小學堂肄業，堂長爲鄰村康山沈涵先生，歲貢生。

紀元前二年，即清宣統二年庚戌，西曆一九一〇年，公十五歲。

公仍在縣立高等小學堂肄業，是年甄別學生，分甲、乙、丙、丁四班，公以穎秀

，名列甲班。同學有章桂齡、章錫齡、章懿齡、諸文蔚、諸文荇、章旭初、劉廣陽諸人。

按：章桂齡未畢業，次年考入湖北陸軍小學，後畢業於保定軍官學校，官至浙東警備司令，民國卅八年爲共匪所殺。諸文荇後改名文蘊，爲獻莊先生次子，師事吳昌碩，以畫名，曾任上海新華美術專門學校教授。

十一月繼母章太夫人生公弟琴賓

（際清先生何時娶章太夫人，族譜未載，以時考之，當在紀元前三年。）

紀元前一年，即清宣統三年辛亥，西曆一九一一年，公十六歲。

一、是年冬公畢業於考豐縣高等小學堂，名列第二。

公寒暑假皆勤讀不輟，時賃居諸億千家，房屋隘狹，兩家子弟多，頗礙公研讀，側屋有房，素稱不吉，無人欲居，公每攜書讀其中。夏日苦蚊，乃取兩酒甕置足其內，以避之，其勤奮如此。

舊曆八月十九日武昌起義。九月廿二日縣人同盟會員王立三運動駐軍反正，全縣光復。全堂學生歡呼剪辮，章旭初第一、公第二。時舊知縣事李某被廢，王立

三調任安吉縣民事長，縣無主政，四鄉土匪蜂起，管帶陳本立藉口兵餉無着，勒索紳商，人心惶駭，城門晝閉，高等小學堂亦被兵佔，甲班應屆畢業考試，乃提前改在明倫堂舉行，戎馬倉皇之中，一日而畢。

## 二、村民集剿郭孝山土匪，公亦奮勇參與前列。

時土匪臺州人林金魁，自號爬平王，嘯據北鄉郭孝山，四出搶掠。山距鶴落溪村十里，時傳來村借糧，村人乃集合丁壯進剿，公亦參與前列，激戰數小時而還。是年八月武昌起義，各省先後響應，清帝退位，國父回國組織中華民國臨時政府。

## 中華民國元年，壬子，西曆一九一二年，公十七歲。

公於年初考入湖州公立吳興中學校肄業。校長爲沈毓麟字譜琴，前清舉人，同盟會會員。初湖州劣紳出賣文廟前廢地於英人教會辦東吳第三中學，邑紳大譁，乃推沈毓麟爲首，交涉收回，而清吏竟將此案移付上海會審公堂，訟竟不直，後由德清朱穀蓀歸安孫貽謀協助再訟，乃得贖回半數。沈於是謀諸七縣士紳酌提絲繭捐兩成，就湖

城愛山書院，創辦公立吳興中學，以對抗英人之教會學校。諸執教者皆一時著名之士。國文歷史教員爲德清朱轂蓀清名儒戴望入室弟子、舉人、工詩，長於考據詞章之學，爲南社社員。國文教員閔詠霓，拔貢，長於左氏春秋之學。地理教員蘇州鈕頌清，後爲北平師大教授。物理教員江陰高子瞻，北京高等師範學堂畢業，兼擅長詩歌圖畫。兵式體操陳其采，器械體操南京周逸鳴。英文教員孫仲謀，聖約翰學院第一期第一名畢業，學監爲德清蔡念青舉人。

## 中華民國二年，癸丑，西曆一九一三年，公十八歲。

公仍肄業公立吳興中學校。是年初改學制秋季始業，公被舉爲愛山同學會體育股長。初校長沈毓麟先生參加同盟會，辛亥光復時，曾組織學生軍參加北伐。會清廷遜位，南北議和而罷，改學生軍爲經武學校，一年後解散，沈校長乃將全校學生組成愛山同學會，內設文藝、游藝、體育三股，體育股尤重視每日課餘學兵式體操一小時，由日本教員與陳其采、唐貫經分值教練。入體育股者以孝豐、長興、安吉三縣學生爲多，公被舉爲體育股長達二年半之久，公尤長器械體操，爲全校五百學生之冠。

是年三月，袁世凱刺殺宋教仁。六月南京、江西、上海、廣東、安徽、福建、湖南、重慶各地舉兵討袁，先後失敗。

中華民國三年，甲寅，西曆一九一四年，公十九歲。

公仍肄業公立吳興中學。

是年第一次世界大戰爆發，日本佔我青島。

國父在日本組織中華革命黨，制定革命方略，定青天白日滿地紅國旗，黨人舉事於江蘇南通、奉天本溪皆未成。

中華民國四年，乙卯，西曆一九一五年，公二十歲。

是年暑假公畢業於公立吳興中學校，名列第一，受聘於縣立高等小學校任國文、史地教員。

五月袁世凱承認日本二十一條要求，八月叛國稱帝，十二月雲南起義。

中華民國五年，丙辰，西曆一九一六年，公二十一歲。

舊曆正月，私立王氏小學校成立，公受聘爲高年級與補習班主任教員。同事有方秉

性忱，陳嘉謨佩誠，諸文符金文濟等，皆爲縣中知名之士。公名尤高，校長王立三尤敬禮焉。

按孝豐王氏爲縣中大族，宗祠祀產尤多，由族人王立三倡導，創辦私立王氏小學校，自幼稚園起初小四班，高小三班，補習生一班，學生三百餘人，爲孝豐最完善之學校。

王立三原名鑾學字繪青，西鄉樸舍村人，清廩生後改今名，留學日本習警政，入同盟會，篤信主義，辛亥年光復孝豐安吉兩縣，先後任安吉縣民事長，江山縣知事，以耿直稱，抗戰時辦理生產事業，有功地方，共匪陷孝豐，以人望殺之，年已七十有八矣。

中華民國六年，丁巳，西曆一九一七年，公二十二歲。

公仍在私立王氏高小學校任教，兼教縣立高等小學校史地課。

是年六月，段祺瑞解散國會，九月國會非常會議舉

國父爲中華民國軍政府海陸軍大元帥，對德宣戰，十月護法戰爭開始。

中華民國七年，戊午，西曆一九一八年，公二十三歲。

公仍在私立王氏縣立小學校任教。

是年暑假縣立高等小學校校長由沈孟煊繼任，亦欽重公，仍請兼任高年級史地教員。

中華民國八年，己未，西曆一九一九年，公二十四歲。

公仍在私立王氏小學校任教。

五月孝豐教育界組織小學教育參觀團，由王立三率領，同行者有公及沈孟煊、王微、邵文晃、魏祖徵等六人，參觀上海萬竹小學、寶山小學、商務印書館編輯部印刷所、南通師範附屬小學、南通博物館、無錫省立師範附屬小學、無錫小學，並遊南通狼山、鎮江金山、焦山，南京雨花臺、明孝陵、莫愁湖、鷄鳴寺等名勝。在南通並受張季直先生之邀宴，參加更俗劇場開幕禮。

是年十月

國父改組中華革命黨爲中國國民黨。

中華民國九年，庚申，西曆一九二〇年，公二十五歲。

公仍在私立王氏小學校任教。

是年暑假國立南京高等師範學校開辦暑期學校，公與方秉性、王微參加。因方秉性之介，遂與張其昀、字曉峯、繆鳳林、字贊虞兩先生訂交。

中華民國十年，辛酉，西曆一九二一年，公二十六歲。

公仍在私立王氏小學校任教。

公於是年暑假獨至津沽山海關間觀察形勢，方將出關，以資斧被竊而罷，校長王立三急寄旅費乃得歸；歸後謂同事陳嘉謨、王微曰：「十年後，日本爲中國之大患，東三省將先受禍」。問所見，曰：「往來京榆路者多日本浪人，其實皆日本軍人也」。是年四月

國父當選爲非常大總統。

中華民國十一年，壬戌，西曆一九二二年，公二十七歲。

公仍在私立王氏小學校任教。

是年六月粵軍陳炯明叛變。

國父旋由粵赴滬。

中華民國十二年，癸亥，西曆一九二三年，公二十八歲。

公仍在私立王氏小學校任教。

十一月公請假赴滬，適黃埔軍官學校在滬招生，因同鄉闕懷珍之介投考，初試錄取。



闕懷珍原籍河南光山縣，光復時充當湖州精武學堂排長，爲陳其采得意學生，參加革命，在粵曾爲許崇智司令部上尉副官，常往來粵滬間，任聯繫工作，並爲祕密招生委員，大陸淪陷，被匪殺害。

一月滇桂軍克廣州，二月

國父由上海回粵，十二月中國國民黨發表改組宣言。

中華民國十三年，甲子，西曆一九二四年，公二十九歲。

公於是年二月間由滬興凌光亞同乘日輪嵩山丸赴粵，途中遇賀衷寒、蔣伏生遂與訂交。

公至粵經黃埔軍官學校覆試錄取，編入第二大隊第四隊爲入伍生，六月十六日正式開學。

一月中國國民黨召開第一次全國代表大會，四月公佈建國大綱，十一月國父北上共商國是。